

102/3

KISWAHILI

KARATASI YA 3

FASIHI

JULAI/AGOSTI, 2014

MUDA: SAA 2 ½

## TATHMINI YA PAMOJA WILAYA YA MBOONI MAGHARIBI, 2014

*Hati ya kuhitimu elimu ya sekondari Kenya (K.C.S.E)*

102/3

KISWAHILI

KARATASI YA 3

FASIHI

MUDA: SAA 2 ½

### MAAGIZO

- Jibu maswali manne pekee.
- Swali la kwanza ni la **lazima**.
- Maswali hayo mengine matatu yachaguliwe kutoka sehemu nne zilizobaki yaani, Ushairi, Riwaya, Hadithi fupi na Fasihi simulizi.
- Usijibu maswali **mawili** kutoka kwa sehemu moja.
- Karatasi hii ina kurasa nne.  
Watahiniwa ni lazima wahakikishe kwamba kurasa zote za karatasi hii zimepigwa chapa sawasawa na kuwa maswali yote yamo.

**SEHEMU YA A: RIWAYA****Ken Walibora: Kidagaa Kimemwozea.****1. LAZIMA**

Kuvunjwa kwa haki na sharia lilikuwa jambo la kawaida chini ya uongozi wa mtemi Nasaba bora. Thibitisha ukweli wa kauli hii ukirejarelea riwaya.

**SEHEMU B: TAMTHILIA****Timothy M. Arege: Mstahiki Meya*****Jibu swali la 2 au 3***

2. Hatua tuchukuazo maishaini mwetu zaweza kutuathiri na kuathiri nchi pakubwa. Fafanua kauli hii ukimrejerelea Meya Sosi. (alama 20)

3. Mwafulani I: Tulipoitwa kuhudumu tuliitika na hakuna kurudi nyuma..

Mwafulani II: Mara mbili hivi karibu niache kazi hii

- a) Eleza muktadha wa dondoo hili (alama 4)  
 b) Fafanua maudhui yanayojitokeza katika mazungumzo hayo (alama 8)  
 c) Fafanua tabia za mwafulani wa kwanza na wa pili (alama 8)

**4. SEHEMU YA C: HADITHI FUPI****Ken Walibora na Said A. mohamed: Damu Nyeusi**

Maudhui ya ubaguzi na utabaka yamepewa uzito na maandishi wa Diwani ya Damu Nyeusi na Hadithi nyingine. Kwa kurejelea hadithi zozote tano onyesha ukweli wa kauli hii.

**5. SEHEMU D: FASIHI SIMULIZI**

- a) Maigizo ni nini (alama 2)  
 b) Andika sifa za maigizo (alama 4)  
 c) Ngomezi ni nini (alama 2)  
 d) Taja aina mbili za ujumbe ambazo zinaweza kuwasilishwa na ngomezi (alama 2)  
 e) Andika sifa za ngomezi (alama 4)  
 f) Miviga ni nini (alama 2)  
 g) Miviga ina umuhimu gani? (alama 4)

**6. SEHEMU E: USHAIRI*****Jibu swali la 6 au la 7*****Soma shairi lifuatalo kasha ujibu maswali**

1. Tunda la elimu zote, wanasema wanazuoni  
 Ni kwamba mtu apate, kumtambua manani  
 Ndipo hadhi apate, akumbukwe duniani.
2. Elimu bila ukweli, haizidi asilani  
 Giza na nuru muhali, katu havitangamani  
 Uwongo ufe kweli, itue nuru moyoni

3. Elimu ni kama mali, haichoshi kutamani  
Ni bora yashinda mali, taji la wanazuoni  
Elimu njoma miali, langazayo gizani.
4. Mtu hachomwi na mwiba, na viatu miguuni  
Ulimwengu una miiba, tele tele majiani  
Elimu ukiishiba, u salama duniani.
5. Wafu ni wasiosoma, watazika ardhini  
Hai ndio maulana wapaa maangani  
Elimu jambo adhima, aso nayo maskini.
6. Toa wakfu ujana, elimu ukitamani  
Na uye mzee sana, kujua usijihini  
Elimu ni jambo adhima, aso nayo maskini
7. Elimu ina malipo, utoyalipwa mwishoni  
Pale uitafutapo, ujira usitamani  
Mwanachuoni afapo, mbingu huwa na huzuni.
8. Haki ya kuheshimiwa, ni yao wanachuoni  
Wao wameongolewa, na ni taa duniani  
Kweli wanapojua, watoe bila kuhuni.
9. Elimu bila amali, mti usio majani  
Haumtii kivuli, aukaliaye chini  
Inakuwa mashkeli, wa kughuri insane.

### Maswali

- a) Toa kichwa mwafaka kwa shairi hili (alama 2)
- b) Taja aina na bahari ya shairi (alama 3)
- c) Eleza umbo la shairi (alama 6)
- d) Fafanua maudhui katika ubeti wa tatu na wa saba (alama 6)
- e) Andika ubeti wa mwisho kwa lugha ya tutumbi/nathari. (alama 3)

## SWALI 7

1. Punda kalibeba gari                      gari limebeba punda  
Mwalimu ana pakari                      muashi vyuma adunda  
Jaji gonga msumari                      somara osha vidonda  
Kinyume mbele
2. Saramala ahubiri                      muhunzi tiba apenda  
Mganga anaabiri                      bahari anakwenda  
Hata fundi wa magari                      anatomea vibanda  
Kinyume mbele
3. Wakili anahiyari                      biashara kuitenda  
Mtazame asikari                      akazakaza vitanda  
Mkulima mashuhuri                      jembe limeshamshinda  
Kinyume mbele
4. Apakasa daktari                      ukili anaupinda  
Saveya kawa Jabari                      mawe anafundafunda  
Hazini wa utajiri                      mali yote aiponda  
Kinyume mbele
5. Msemi huwa hasemi                      wa inda hafanyi inda  
Fahali hawasimami                      wanene waliishakonda  
Walijitia utemi                      maisha yamewavunda  
Kinyume mbele
6. Kiwapi cha kukadiri                      twavuna shinda kwa shinda  
Tele haitakadiri                      huvia tulivyopanda  
Mipango imehajiri                      la kunyooka hupinda  
Kinyume mbele

**MASWALI**

- a) Andika anwani mwafaka ya shairi hili (alama 1)  
b) Eleza muundo wa shairi hili (alama 4)  
c) Taja vinyume kumi vinavyorejelewa katika shairi (alama 5)  
d) Andika ubeti wa tatu kwa lugha nathari (alama 4)  
e) Onyesha jinsi mwandishi ametumia idhini ya ushauri (alama 4)  
f) Eleza maana ya maneno yafuatayo kama yalivyotumika katika shairi (alama 2)  
(i) Pakari  
(ii) Apakasa